



Uslovi korištenja komercijalnog parkinga na Aerodromu Sarajevo		Strana: 1 od 3
Broj protokola: 03-27-2-016-1/26	JAVNA UPOTREBA	

J.P. Međunarodni aerodrom „SARAJEVO“ d.o.o. Sarajevo donosi Politiku o uslovima korištenja komercijalnog parkinga na Aerodromu Sarajevo

Ovi Uslovi i odredbe primjenjuju se od dana objave.

1. Definicije

U smislu ovih Uslova i odredbi, sljedeći pojmovi imaju značenje kako slijedi:

- **Aerodrom** znači JP Međunarodni aerodrom Sarajevo d.o.o., Kurta Schorka 36, 71210 Sarajevo, Bosna i Hercegovina, kao aerodromski operator.
- **Komercijalni parking** podrazumijeva komercijalni parking i zone za parkiranje vozila kojima upravlja Aerodrom.
- **Uslovi** znače ove Uslove i odredbe.
- **Korisnik** znači svako fizičko ili pravno lice koje ulaskom vozila u parking prostor Aerodroma prihvata uslove korištenja usluge parkinga propisane ovim dokumentom.
- **Vozilo** znači svako motorno ili drugo vozilo koje ulazi u parking prostor Aerodroma, uključujući njegovu opremu i dodatke.
- **Web stranica** znači službena internet stranica Aerodroma Sarajevo: <https://sarajevo-airport.ba/>.
- **Cjenovnik** znači važeći Cjenovnik komplementarnih usluga, u kojem su između ostalog definisani cjenovni uslovi korištenja usluga komercijalnog parkinga

Ovi Uslovi i odredbe primjenjuju se na sve navedene parking prostore, osim ako je pojedinim odredbama izričito drugačije propisano.

2. Opšte informacije

Ulaskom na komercijalni parking Aerodroma smatra se da ste saglasni sa ovim dokumentom. Aerodrom zadržava pravo izmjene ovih Uslova, bez prethodne najave, putem objave izmjena na službenoj web stranici: <https://sarajevo-airport.ba/>. Na korisnika se primjenjuju Uslovi koji su važeći u trenutku ulaska vozila na komercijalni parking.

Na ove Uslove primjenjuje se važeći pozitivni zakonski propisi Bosne i Hercegovine, a za sve sporove nadležni su sudovi u Sarajevu.

3. Odgovornosti i ograničenja odgovornosti Aerodroma

- Aerodrom će osigurati pružanje parking usluga s razumnom pažnjom i u skladu s važećim propisima.
- Aerodrom ne snosi odgovornost za indirektnu ili posljedičnu štetu, uključujući gubitak prihoda, dobiti, podataka ili vremena korisnika parkinga.
- Aerodrom ne odgovara za oštećenje, gubitak ili krađu vozila, njegove opreme ili sadržaja, osim u slučaju namjere ili grube nepažnje Aerodroma ili njegovih zaposlenika.
- Aerodrom ne snosi odgovornost za događaje više sile, uključujući, ali ne ograničavajući se na prirodne nepogode, tehničke kvarove, sigurnosne incidente, štrajkove, regulatorne mjere ili druge okolnosti van razumne kontrole.
- Parking prostori su javno dostupni, te Korisnik koristi parking na vlastitu odgovornost. Aerodrom ne garantuje potpunu sigurnost vozila ili imovine u vozilu.
- Aerodrom ne snosi odgovornost za radnje ili propuste trećih lica, uključujući druge korisnike parkinga, nepoznata lica ili posjetioce, kao ni za štetu nastalu međusobnim kontaktom vozila.



Uslovi korištenja komercijalnog parkinga na Aerodromu Sarajevo		Strana: 2 od 3
Broj protokola:		JAVNA UPOTREBA

- Komercijalni parking Aerodroma ne predstavlja čuvani parking, te Aerodrom ne preuzima obavezu čuvanja vozila niti nadzora nad imovinom korisnika.

4. Pravila korištenja komercijalnog parkinga

- Ulaskom na komercijalni parking, Korisniku se izdaje parking karta na kojoj je navedeno tačno vrijeme ulaska vozila i registarske oznake vozila. Ulazi na komercijalni parking opremljeni su kamerama za prepoznavanje registarskih tablica (ANPR). Međutim, korisnici i dalje moraju pritisnuti "dugme" na ulaznoj jedinici da bi uzeli ulaznu parking kartu, nakon čega se ulazna rampa diže, i korisniku parkinga omogućava neometan prolazak. Ulazna parking karta koristi se prilikom plaćanja parkinga, koje je moguće izvršiti kod parking inkasanta (gotovinom), putem parking automata (gotovinom ili karticom), kao i kartično putem unattended POS terminala na izlaznim rampama. Korisnik je dužan sačuvati kartu do napuštanja komercijalnog parkinga. Navedena parking karta je potrebna pri izlasku sa komercijalnog parkinga u situacijama kada izlazna kamera, iz bilo kojeg razloga, nije u mogućnosti očitati registarske tablice vozila. Ukoliko se izlazne rampe prilikom približavanja vozila izlaznoj rampi ne podižu, korisnik ubacuje ili skenira parking kartu koju je dobio prilikom ulaska na komercijalni parking. Korisnik nakon plaćanja parkinga treba napustiti parking u roku od 15 minuta, u suprotnom nakon isteka vremenskog intervala od 15 minuta, obračunati će se dodatna naknada u skladu sa važećim Cjenovnikom.
- Aerodrom ne garantuje dostupnost slobodnog parking mjesta u bilo kojem trenutku.
- U slučaju gubitka parking karte, korisnik se treba obratiti parking inkasantu, koji na osnovu evidencije registarskih oznaka vozila, vrši provjeru datuma i vremena ulaska na komercijalni parking, i u skladu sa Cjenovnikom obračunava naknadu za korištenje komercijalnog parkinga, i naknadu za izgubljenu parking kartu u skladu sa važećim Cjenovnikom.
- Korisnik je dužan: pravilno parkirati vozilo unutar označenog mjesta, osigurati da u vozilu ne ostanu osobe ili životinje, kao i pridržavati se saobraćajne signalizacije i ograničenja brzine.
- Korisnik je dužan koristiti parking prostor s povećanom pažnjom, prilagoditi kretanje i upravljanje vozilom uslovima na parking prostoru, vremenskim prilikama i stanju kolovoza, te snosi punu odgovornost za štetu nastalu uslijed nepridržavanja ovih obaveza.
- Ulazne i izlazne jedinice i parking aparati opremljeni su telefonima za korisničku službu koja je otvorena za korisnike u skladu sa radnim vremenom Aerodroma.
- Na komercijalnom parkingu nije dozvoljeno vršiti popravke ili pranja vozila, bavljenje komercijalnim aktivnostima bez odobrenja Aerodroma, punjenje ili pražnjenje goriva, nepropisno parkiranje ili ometanje saobraćaja, snimanje i fotografisanje u komercijalne svrhe bez prethodne saglasnosti Aerodroma, spavanje u vozilu.
- Ukoliko korisnik namjerava vozilo zadržati na komercijalnom parkingu u periodu dužem od 30 dana, navedeno mora najaviti putem e-mail adresa: parking@sarajevo-airport.ba, prijavnica@sarajevo-airport.ba, pri čemu je u dostavljenoj informaciji potrebno navesti marku, tip i registarske oznake vozila, kao i tačne datume planiranog korištenja parking usluge, te kontakt koji sadrži email adresu i broj telefona korisnika. Vozila koja se na parking zadrže duže od 30 dana, a za ista nije poslana pisana najava u skladu sa prethodno propisanim smatrat će se napuštenim vozilima.
- Za vozila koja se smatraju napuštenim, Aerodrom će, ukoliko raspolaže podacima o vlasniku ili korisniku vozila, uputiti pisanu obavijest putem e-mail adrese i/ili telefonskog broja, sa pozivom da vozilo preuzme i ukloni u roku od 7 dana od dana dostavljanja obavijesti. Ukoliko kontakt podaci nisu dostupni ili dostava obavijesti nije moguća, Aerodrom će objaviti poziv na svojoj web stranici. Ako vozilo ne bude uklonjeno u roku od 7 dana od dana dostavljanja, odnosno objave poziva, Aerodrom zadržava pravo da vozilo ukloni sa komercijalnog parking prostora o trošku i na rizik vlasnika ili korisnika vozila.

5. Cijene i plaćanje

Cijene parking usluga određene su važećim Cjenovnikom Aerodroma Sarajevo – Cjenovnik komplementarnih usluga, koji je objavljen na službenoj web stranici: <https://sarajevo-airport.ba/Page/Cjenovnik-komplementarnih-usluga>.



Uslovi korištenja komercijalnog parkinga na Aerodromu Sarajevo

Strana:
3 od 3

Broj protokola:

JAVNA UPOTREBA

Plaćanje se vrši u skladu sa važećim metodama plaćanja dostupnim na Aerodromu, a koje su prethodno opisane u ovom dokumentu.

6. Završne odredbe

Ukoliko se pojedina odredba ovih Uslova pokaže nevažećom, ostale odredbe ostaju na snazi.

Za sva pitanja i dodatne informacije Korisnici usluge parkinga se mogu obratiti nadležnim službama Aerodroma Sarajevo na sljedeću e-mail adresu:

parking@sarajevo-airport.ba

Datum: 01.03.2026. god.


v.d. Direktor
Amadeo Mandić